

Pelanggan yang dihormati,

Lampiran Keterangan Produk (PDS) ini memberikan anda maklumat penting tentang **PruBSN Lindung Famili** takaful keluarga anda. Pelanggan lain telah membaca PDS ini dan mendapati ia membantu; **anda harus membacanya juga.**

PRUDENTIAL BSN TAKAFUL BERHAD

Tarikh: 15 November 2025

PDS ini menunjukkan **contoh** untuk seorang lelaki sihat berumur 30 tahun (umur pada hari lahir akan datang) dengan Jumlah Dilindungi sebanyak RM200,000. Sila rujuk kepada **Soalan Lazim** untuk contoh sumbangan.

1 Apakah PruBSN Lindung Famili?

PruBSN Lindung Famili adalah produk patuh Syariah. Ia adalah pelan takaful berkelompok bertempoh yang menyediakan perlindungan terhadap Kematian sehingga umur luput tujuh puluh lima (75) tahun. Produk ini juga memberi perlindungan Hilang Upaya Kekal dan Menyeluruh (TPD) dan tambahan Manfaat Kematian akibat Kemalangan semasa tempoh perlindungan sijil atau sehingga tarikh ulang tahun sijil dimana umur Ahli yang Dilindungi mencapai umur tujuh puluh (70) tahun hari lahir akan datang, yang mana lebih awal.

Pelan ini ditawarkan khas kepada ahli Kumpulan Wang Simpanan Pekerja (KWSP) yang berumur sembilan belas (19) hingga enam puluh lima (65) tahun hari lahir akan datang. Pelan ini disertakan dengan pilihan buat Ahli KWSP untuk melanjutkan perlindungan kepada pasangan dan/atau anak(-anak) dimana Ahli KWSP ialah Pemegang Sijil bagi sijil tanggungan mereka.

Prudential BSN Takaful Berhad (PruBSN) adalah Pemegang Sijil Induk dan Ahli KWSP adalah Pemegang Sijil untuk pelan ini.

Konsep Syariah yang berkenaan dibawah PruBSN Lindung Famili

- **Ta'awun:** Apabila anda menyumbang ke dalam Dana *Tabarru'* untuk manfaat kewangan bersama apabila berlaku peristiwa yang telah dipersetujui terlebih dahulu.
- **Wakalah bi al-ujrah:** Apabila anda melantik PruBSN untuk mengurus dan melaburkan dana bagi pihak anda dengan bayaran upah, serta yuran prestasi daripada lebihan yang boleh diagihkan daripada Dana *Tabarru'*.

Nota: Keterangan produk di atas adalah **tidak menyeluruh**. Sila rujuk kepada Ringkasan Sijil Induk untuk maklumat lanjut.

2 Ketahui Perlindungan / Manfaat-manfaat anda?

Sebagai ilustrasi, untuk **RM 424** bagi tahun sijil pertama, dengan **Jumlah Dilindungi (SC)** sebanyak **RM 200,000**, anda akan menerima **manfaat perlindungan** takaful keluarga berikut:

Jumlah tambahan akan dibayar kepada Manfaat Kematian sekiranya berlaku keadaan berikut:		
Manfaat-manfaat	Jumlah Dilindungi	
Manfaat Kematian	RM 200,000	
Manfaat Hilang Upaya Kekal dan Menyeluruh (TPD)	RM 200,000	
Manfaat Kematian akibat Kemalangan	Jumlah tambahan akan dibayar kepada Manfaat Kematian sekiranya berlaku keadaan berikut:	
	Kejadian Kematian	Jumlah Tambahan
	Akibat kemalangan	100% daripada SC
	Akibat kemalangan semasa menaiki kenderaan awam, lif, pembakaran hotel atau bangunan awam lain	200% daripada SC
	Akibat kemalangan berlaku semasa Ahli yang Dilindungi menetap atau melancong ke luar negara (tidak lebih dari 90 hari berturut-turut tempoh menetap di semua negara kecuali Singapura dan Brunei).	300% daripada SC

Nota:

- Amaun berbayar semasa tuntutan ialah secara sekaligus, ditolak sebarang amaun tertunggak kepada PruBSN.
- Manfaat TPD akan mengurangkan Manfaat Kematian.
- **Tempoh Perlindungan:** Boleh diperbaharui setiap tahun sehingga umur Ahli yang Dilindungi tujuh puluh lima (75) tahun.
- Penerangan mengenai perlindungan dan manfaat di atas adalah **tidak menyeluruh**. Sila rujuk Ringkasan Sijil Induk untuk maklumat lanjut.

Produk Takaful keluarga anda mengecualikan:

Manfaat Kematian sekiranya kematian Ahli yang Dilindungi berpunca secara langsung atau tidak langsung daripada bunuh diri, sama ada dalam keadaan waras atau tidak waras, dalam tempoh tahun pertama sijil.

Manfaat Hilang Upaya Kekal dan Menyeluruh sekiranya hilang upaya berpunca secara langsung atau tidak langsung daripada:

- percubaan membunuh diri atau kecederaan yang dilakukan sendiri, sama ada dalam keadaan waras atau tidak waras; atau
- sebarang Keadaan Sedia Ada

Manfaat Kematian akibat Kemalangan sekiranya kematian Ahli yang Dilindungi berpunca secara langsung atau tidak langsung daripada:

- sebarang pelanggaran atau cubaan melanggar undang-undang, atau tindakan menentang penahanan; atau
- mabuk akibat alcohol dan dadah.

Nota: Keterangan produk di atas adalah **tidak menyeluruh**. Sila rujuk kepada Ringkasan Sijil Induk untuk maklumat lanjut.

Manfaat-manfaat yang dibayar di bawah sijil yang layak adalah dilindungi oleh Perbadanan Insurans Deposit Malaysia ("PIDM") sehingga had perlindungan. Sila rujuk Brosur Sistem Perlindungan Manfaat Takaful dan Insurans ("TIPS") PIDM atau hubungi Prudential BSN Takaful Berhad atau PIDM (layari www.pidm.gov.my).

Jika anda mempunyai sebarang pertanyaan atau memerlukan bantuan mengenai produk takaful keluarga anda, anda boleh:



Hubungi
PruBSN di:
03 2775 7188



Emel PruBSN di:
customer@prubsn.com.my



Lawati* PruBSN di:
[PruBSN Lindung Famili](#)
[Prudential BSN](#)
[Takaful](#)



Impas* kod QR untuk
Soalan Lazim
PruBSN Lindung
Famili

*Yakinlah bahawa tiada data peribadi anda yang akan dikumpul apabila anda mengklik pada pautan / kod QR

3 Ketahui Kewajipan anda?

Untuk sijil takaful keluarga ini, anda perlu membayar sumbangan takaful sebanyak:

Jumlah Sumbangan Takaful¹ RM 424.00 bagi tahun sijil pertama Tempoh: sehingga 75 tahun hari lahir akan datang

Anda juga perlu membayar yuran dan caj berikut (untuk keseluruhan tempoh pembayaran sumbangan):

Jumlah Caj Wakalah Pendahuluan, termasuk RM 17,566.80 atau 15% dari Jumlah Sumbangan RM 117,112.00

- Komisen Tiada komisen dibayar untuk sijil takaful keluarga ini.
- Perbelanjaan Pengurusan RM 17,566.80 atau 15% dari Jumlah Sumbangan RM 117,112.00

Nota:

- Sumbangan pelan ini adalah tidak tetap dan akan berubah mengikut umur semasa Ahli yang Dilindungi yang akan datang serta perlu dibayar sepanjang tempoh perlindungan. Sumbangan bagi setiap Ahli yang Dilindungi mungkin berbeza bergantung kepada Jumlah Dilindungi yang dipilih, jantina dan umur hari lahir akan datang. Sila rujuk Soalan Lazim untuk contoh sumbangan.
- Bayaran sumbangan bagi pasangan dan anak (jika ada) akan dibayar oleh Pemegang Sijil dan akan ditolak setiap tahun daripada Akaun KWSP Pemegang Sijil. Sumbangan yang telah ditolak daripada Akaun KWSP Pemegang Sijil dan dibayar kepada PruBSN akan dipaparkan dalam Penyata Akaun KWSP mereka. Adalah penting untuk Pemegang Sijil menyimpan Penyata Akaun KWSP sebagai bukti pembayaran sumbangan untuk rujukan masa hadapan.
- Jumlah Caj Wakalah Pendahuluan adalah termasuk di dalam Jumlah Sumbangan Takaful yang dinyatakan di atas dan merangkumi perbelanjaan pengurusan PruBSN.
- Duti Setem RM10 dibayar sekali sahaja bagi setiap Sijil Induk. Pemegang Sijil atau Ahli yang Dilindungi tidak perlu membayar Duti Setem tambahan. Sumbangan, yuran dan caj yang dinyatakan di atas adalah **tidak menyeluruh**. Sila rujuk Ringkasan Sijil Induk untuk maklumat lanjut.

4 Terma-terma Utama Lain

- Kepentingan Pendedahan:** Pemegang Sijil mesti mendedahkan semua fakta penting seperti keadaan kesihatan dan mesti menyatakan umur Ahli yang Dilindungi dengan betul apabila menjawab sebarang soalan daripada PruBSN. Jika sijil tersebut adalah sepenuhnya untuk tujuan peribadi, Pemegang Sijil mempunyai kewajipan untuk mendedahkan semua maklumat yang relevan dan tidak mengelirukan PruBSN. Kewajipan untuk membuat pendedahan akan sentiasa berterusan dan akan memerlukan Pemegang Sijil untuk memaklumkan kepada PruBSN tentang sebarang perubahan ke atas maklumat yang telah didedahkan atau sebarang maklumat baru yang relevan dengan sijil.
- Tempoh Tangguh:** Pemegang Sijil mempunyai tiga puluh (30) hari tempoh tangguh dari setiap tarikh sumbangan patut dibayar untuk membayar sumbangan sijil ini. Sekiranya Pemegang Sijil gagal membayar sumbangan dalam tempoh tangguh, sijil akan luput selepas tamat tempoh tangguh. Tiada pembaharuan dibenarkan setelah sijil luput.
- Sumbangan dan Tabarru` tidak Dijamin:** Sumbangan dan penolakan Tabarru` bagi pelan ini adalah tidak dijamin. Kami akan memberikan notis bertulis 90 hari sebelum sumbangan dan/atau penolakan Tabarru` yang disemak berkuat kuasa pada ulang tahun sijil yang berikutnya.
- Penamaan:** Pemegang Sijil dinasihatkan supaya menamakan penama untuk manfaat kematian bagi memastikan penyelesaian tuntutan yang lancar dan memastikan bahawa penama mengetahui tentang sijil ini. Sekiranya penamaan dibuat, manfaat akan dibayar terus kepada penama. Sekiranya tiada penama, manfaat akan dibayar kepada waris terdekat.

Nota: Keterangan produk di atas adalah **tidak menyeluruh**. Sila rujuk kepada Ringkasan Sijil Induk untuk maklumat lanjut.

? Bolehkah saya membatalkan sijil saya?

Ya, Pemegang Sijil boleh membatalkan sijil dengan memberikan notis bertulis kepada PruBSN.

- Tempoh Rujukan Percuma:** Pemegang Sijil boleh membatalkan perlindungan takaful dengan memaklumkan terus kepada PruBSN dalam tempoh lima belas (15) hari dari tarikh Sijil dihantarkan kepada Pemegang Sijil. PruBSN akan memulangkan semula sumbangan yang telah dibayar bagi perlindungan takaful yang berkaitan dengan Ahli yang Dilindungi kepada Pemegang Sijil.
- Notis Bertulis:** Pemegang Sijil boleh membuat pembatalan perlindungan takaful selepas Tempoh Rujukan Percuma dengan memberikan notis bertulis. Apabila perlindungan takaful Ahli KWSP dibatalkan, perlindungan takaful tanggungan (iaitu pasangan dan anak) dalam permohonan yang sama akan turut terbatal. Setelah perlindungan takaful diserahkan, PruBSN akan mengembalikan penolakan Tabarru` yang belum digunakan, jika ada, dinyatakan sebagai peratusan sumbangan tahunan semasa yang dibayar seperti yang ditunjukkan dalam jadual berikut:

Bilangan Bulan*	1	2	3	4	5	6	7	8	9	10	11	12
Penolakan Tabarru` yang belum diguna (% sumbangan tahunan seamasa yang berbayar)	77.90%	70.80%	63.80%	56.70%	49.60%	42.50%	35.40%	28.30%	21.30%	14.20%	7.10%	0.00%

* dari Tarikh Berkuat Kuasa atau tarikh ulang tahun sijil (yang mana kemudian) Ahli yang Dilindungi.

Nota: Keterangan produk di atas adalah **tidak menyeluruh**. Sila rujuk kepada Ringkasan Sijil Induk untuk maklumat lanjut.

Prudential BSN Takaful Berhad ("PruBSN") adalah pengendali takaful yang berdaftar di bawah Akta Perkhidmatan Kewangan Islam 2013 dan di kawal selia oleh Bank Negara Malaysia (BNM).